

子部術數類

占卜六壬  
總目未見今編百零九號

上置玉衡經一卷附元女經下卷



黃帝金匱玉衡經

薑五

賜進士及第山東等處督糧道兼管德常臨清倉事務加二級孫星衍校  
黃帝曰吾授汝此圖金匱玉衡經二子祕之苟非其人  
道不虛行垂拱無爲而知未明不出房戶可知天下  
不出戶房可致眞玉明視登明所臨吉凶自非至精  
此術不通閉口閉口禍害不從泄露道眞其命必窮  
異域之法體道亦同祕之藏之勿見愚蒙天一貴神  
位在中宮據璇璣把玉衡統御四時攬撮陰陽手握  
繩墨位正魁罡左房右參背虛向張四七布列首羅  
八方規矩乾坤嘘吸陰陽首五後六以顯吉凶青龍  
主左係屬角亢白虎輔右正在鬚參朱雀在前翻



王父二字乃土火之禍丙丁  
火皇在戊而戊巳寄巳干  
亦皇在戊今甲子旬戊為空  
故云火土之皇不在旬中

舞翼張玄武在後承德收功六合廚傳句陳將軍騰  
蛇誅斬金鉞鏘鏘天后貴配太常臺郎太陰陰將主  
錄後宮天空下賤主侍帝庭白虎傷害審其吉凶各  
有部署不得縱橫天一統理中外清明金木水火各  
有列行不治魁罡初建戊己天之本鄉故能治中神  
氣所藏甲子終癸酉戌亥孤虛王父之墓不在旬中  
不治魁罡是謂重凶三十一三十六用金匱玉房天一最尊  
為之主王將中威神巍巍堂堂

金匱章

天一六壬發用

第一經曰日辰陰陽中有相剋者為用是謂入不入

是最急者也何謂日辰假令今日甲子甲為日子為  
辰陰陽者日上神為陽神辰下神為陰神假令正月  
甲子日平旦登明臨甲不相剋從魁臨子不相剋傳  
送為登明陰不相剋勝先為從魁陰上賊下當以勝  
先為用假令十二月壬申平旦從魁加壬不相剋陰  
得小吉不相剋賊勝先臨申上剋下為用將得天后  
與火神并在金鄉為憂婦女不安若懷子墮傷傳得  
天罡將得騰蛇主驚恐此人八月當以女子事爭鬪  
相驚恐傳得功曹將得六合為後正月當與吏議嫁  
娶若市買之事用得金言錢兵得木憂折傷得火憂  
口舌得土言鬪訟得水言逃亡姪洸上剋下憂女子



下剋上憂男子各以四時王相囚死其所勝爲憂上  
剋下若亡命他人下剋上爲病己身假令太歲在卯  
太衝爲用吉凶不出歲二月即太衝爲用吉凶不出  
月今日巳太一爲用吉凶不出日平旦寅功曹爲用  
吉凶不出時須臾聞耳坐者勿令起行者勿令止吉  
凶之事正在今也他倣此假令正月甲戌時加未功  
曹爲天后加戌爲用天后爲婦女正月寅中有生火  
婦人姪娠天后水將與功曹中火并水火相剋此言  
子生毀傷死也功曹春夏爲九天梁憂縣官受王氣  
戌爲厭辰時右死說怪妖也傳見勝先將得白虎憂  
死喪終見六合爲天門主陰私媒妁魁爲天關出天

門登天關涉天梁見白虎必憂死喪爲人見閉遮出  
入移徙婦女逃亡不安至縣官用三傳得三火憂失  
火燒殺人驚雷口舌起以用所生爲吉期所畏爲凶  
期功曹爲用喜在丙丁凶在庚辛用起陽辰憂事發  
他人爲方來在陰辰憂起己身傳見子母爲救見鬼  
吏爲重凶其用中有微氣若神將剋其凶者亦爲有  
救用得六甲之孤爲元子得六甲之虛爲元夫以用  
別吉凶爲王氣所剋法憂縣官相氣所勝法憂錢財  
休氣所勝法憂疾病囚氣所剋法憂囚徒拘繫死氣  
所勝法憂死喪冢墓休爲老人王相胎氣爲丁壯金  
剋木爲折傷木剋土爲癰腫土剋水爲內閉不通水



剋火爲執失明火剋金爲驚恐失氣異虛狂六甲常以戊己虛衝爲孤

第二經曰日辰陰陽中有兩相剋者先以下剋上爲用上剋下爲順下剋上爲逆逆者憂深在內難解順者憂淺在外易解是謂入者當審所用言察吉凶之微假令二月戊子時加卯神后臨戊戌寄治於丙下剋上陰得小吉上剋下傳得功曹皆上剋下神后當爲用假令壬辰平旦小吉加壬上剋下當以神后爲用周易以世爲卜者身式以用爲卜者身別吉凶者也金入木傷人者也憂鬪訟至縣官木入金憂女人至縣官水入土憂亡遺錢財土入水憂鬪爭布帛木

入土憂牢獄口舌財物擊傷土入木憂男子持重疾病欲祠祀金入火憂外人相欺給火入金兩女子一男子有口舌火入水憂女子驚吏鬪訟水入火驚恐有產病他準此假令正月乙巳時加未傳送加乙上剋下神后爲傳送陰而臨申不相剋從魁加巳下剋上爲用將得六合主陰私之事從魁爲下所剋奴婢從之期以重憂有陰謀相賊從下賤人起又爲相氣所勝法言訟財物傳得大吉終於太一法言戰鬪相傷至死亡何以言之用起三金終太一將得白虎也以意分別之他準此

第三經曰日辰陰陽中有兩下剋上或有兩上剋下



先以與日比者爲用是謂欲其一必得其日也是謂重相剋者取與日比者言有兩用也比者爲近憂在內不比憂在外爲遠有仇怨故必得日比也與賊盜亡人比里家人假令正月辛亥日時日出卯勝先加辛小吉加亥此兩上剋下小吉與辛比有辛未無辛午小吉當爲用假令二月丙午時加未傳送加丙從魁加午此兩下剋上傳送與丙比有丙申無丙酉傳送當爲用剛日用得木憂縣官文書得火憂田宅口舌得土憂縣官死鬼得金憂遷移不安刀兵得水憂女人重身至憂人柔日用得木憂木器船車盜賊得水憂戰鬪見血得土憂財物豆穀得金憂六畜得火

憂女子徵召姪決內亂假令正月壬辰時加辰勝先臨壬下剋上登明加辰下剋上此言無壬亥有壬午勝先當爲用老氣所剋法憂疾病火入水將得天后爲事起婦女傳見大吉與句陳并法憂戰鬪終見傳送主出入爲後三玄武并必言遠出有失傳送加丑爲下臨其墓法憂悲哀不樂喜夢見死人及孤寡他準此

第四經曰日辰陰陽中有兩比者以其始入涉害深者爲用是所謂察其微見其機者言起季仲爲微在孟爲機機者憂深微者憂淺爲易過也假令八月甲申平旦天罡加甲下剋上神后爲河魁陰下剋上是



爲天罡神后爲下所剋又俱比甲言甲辰亦有甲子  
天罡是土加甲始入木鄉涉害猶深爲機神后臨戌  
轉便入水爲微天罡當爲用假令七月甲子日時加  
亥傳送加甲上剋下陰得功曹下剋上勝先臨子下  
剋上陰得神后上剋下此俱與日比勝先度癸得丑  
功曹方經庚酉辛涉害深功曹當爲用此謂進退失  
節重有憂者也正月辛酉時加午太衝臨辛下剋上  
傳送爲太衝陰而臨卯上剋下功曹加酉下剋上小  
吉爲功曹陰而加寅下剋上太衝小吉俱爲下所剋  
又俱比辛太衝度辛而入戌憂淺小吉始入木鄉涉  
害小吉當爲用所謂俛見其仇仰見其丘小吉主婦

女將得騰蛇憂死人女子驚恐有怪血日生小吉過  
東北鬼門當見鬼傳得神后將得天空婦欲欺其夫  
有二心終太一將得天后爲重憂婦女用爲王氣所  
勝法憂縣官有兵甲之憂仇怨相害以火加水故也  
他準此

第五經曰日辰陰陽中無相賊者當以遙與日相剋  
者爲用是謂交俱不相剋入從獨立者也此言有一  
神陰中往賊日若日往剋陰中之神神來賊日身有  
憂從外來日往剋神爲有仇怨從中起有望外人而  
不來辰雖有遙相剋不得爲用用日不用辰也假令  
四月辛酉時加巳大吉加辛不相賊陰得天罡不相

第五經曰不入此意急須  
則此入印剋也且入急須  
亦有文去今此經云文俱不  
獨立乃与上文語例相背相剋二字  
程精去其意長加既云不入此法云



剋神后加酉不相剋陰得太衝皆不相剋辛遙剋太衝當爲用五月甲午時加戌登明加甲不相剋傳送爲登明陰不相剋太衝加午不相剋陰得神后不相剋四課陰陽中並無相剋唯有傳送遙往剋甲當以傳送爲用有兩遙相剋今日者亦用日比天一順行若有臣不可止憂男子病逆行父子不可親憂女子行有客不可內讒賊之意禍從西南來揚兵入門相傷殺見血慎無西南行皆以神將言之有魁罡白虎謀相殺玄武爲盜正月己卯時加寅天罡加己不相剋陰得大吉不相剋神后加卯不相剋陰得從魁不相剋四課陰陽中並無相剋者己獨往剋神后神后

當爲用法主婦女與夫一并有貴人徵召事又爲死者所勝法憂死人餘則及家訟冢墓他準此

第六經曰日辰陰陽中並無相剋又無遙相剋者剛仰柔伏視昴星所得爲用是謂日辰重一切用者也言剛日當以地昴星上所得神爲用柔日當以天上昴星所臨辰爲用昴星爲閉塞行者稽留居家有憂患剛日男人遠行未還恐鬪死於外柔日伏藏女子淫泆深憂不解二月戊子時加寅大吉加戌不相剋陰得從魁不相剋傳送加子不相剋天罡爲傳送陰不相剋四課並不相剋又無遙相剋今日戊是剛仰視昴星上得太一當爲用行者復行九月乙未時加



辰太衝加乙不相剋陰得功曹不相剋勝先加未和  
相剋陰得太一不相剋乙柔日伏視天上昴星所臨  
當爲用行者止藏如不來居者在家不欲見人以此  
占人一切用始以決吉凶不傳終也正月戊寅時加  
未從魁加戊不相剋陰得大吉不相剋勝先加寅不  
相剋陰得河魁不相剋戊剛日昴星上見大吉當爲  
用行者稽留遠方關梁將得天一立六之門占貴人  
不安其官小人分異此剛日也正月己丑時加申魁  
加己不相剋陰得大吉不相剋天罡加丑不相剋陰  
得小吉不相剋又無遙相剋己柔日當以天上昴星  
所臨下辰午當以勝先爲用將得天空他準此

第七經曰天地復名曰吟諸神各歸其家四日辰不  
相剋剛用日上神柔用辰上神是謂關梁陰陽反故  
無所擇者也假令今日甲剛日也德在陽故以日上  
神爲用今日乙柔日也德在陰故以辰上神爲用所  
以然者陰陽之氣合同此時不可出行舉事不成占  
吉凶將出徙在外將移合將離視起用神所刑者傳  
用自刑用其衝假令今日甲子功曹臨甲爲用功曹  
刑巳中見太一太一刑申終見傳送吉凶皆以神將  
言之剛日本神臨木憂文書木器男子欲遠行火神  
臨火男女口舌至縣官金神臨金憂遷徙分異土神  
臨土憂貴人遙使水神臨水貴人酒柔日本神加木



憂舩車至縣官火神加火憂女子姪洸訟屋舍金神  
加金憂遷移分異土神加土憂女子訟田宅分異水  
神加水憂財物失走捉盜不得家亡不越境他效此  
第八經曰大吉殺乙戊己辛壬之日以配子午卯酉  
之辰是謂天地之道歸殃九醜九醜者謂五千四辰  
合爲九也大吉常天之大殺居其上其殺故曰醜  
謂四仲之日時加四仲大吉臨日辰以舉百事大凶  
大吉加日害長加辰害少剛日害男柔日害女日在  
陽傷夫在陰傷婦重陽害父重陰害母天一前爲陽  
天一後爲陰日辰皆在天一前爲重陽日辰皆在天  
一後爲重陰以四時氣期王相期三年囚死期三月

以大吉并將言其形狀四辰或與大時并大吉與凶  
并如加九者大凶禍重至必有咎刑戮死亡流血千  
里萬無全者經言乙者雷電之始戊己北辰下之日  
也辛秋始斷刑之日壬日月三光所不照無功之日  
也四仲之辰萬物之存亡日也大吉日月五星所始  
也故合則爲害假令二月壬子時加酉大吉臨子剛  
日也當殺長男期六月戊辰戊戌己未己丑所以然  
者壬水惡土故土日土月期之四季土月時加酉四  
仲時也大吉加子此爲加陽辰小男坐之二月大時  
在子春土死此爲大凶決知所坐以大吉所并將言  
之太陰并坐祠祀鬼神爲敗騰蛇并爲驚死朱雀并



坐文書若燒死六合并坐女子姪泆乳生句陳并捲  
鬪死青龍并生餘酒食錢財天一并與貴人同憂天  
后并婦人懷他人子玄武并坐盜賊六畜爲敗太常  
并女子以田宅財物爲敗白虎并死喪爲敗天空并  
以偷盜詐欺爲敗十一月乙卯時加辰大吉加乙爲  
用將得騰蛇用傳終得三土憂婦女爭田宅長女坐  
之八月戊子時加卯大吉加子陰功曹爲用大吉雖  
不爲用猶爲九醜少男坐之大吉設冢墓動他準此  
第九經曰諸制曰占事辰自往加其日上而又下剋  
上爲用是謂持其身行就人者所謂贅壻壻意也假  
令今日甲戌河魁臨甲乙未小吉臨乙丙申傳送加

丙甲辰天罡加甲乙丑大吉臨乙此則辰加其日而  
下剋上以此占吉凶少將害老室家相剋中外姪泆  
內亂之道臣謀其君子圖其父奴欲謀其主又一法  
魁加甲出刑人鬪訟小吉加乙憂女子酒食太一加  
癸女子訟衣服亥加己女子錢競從魁加丁欲分異  
勝先加壬訟田宅女子喜驚火神后加戊女子病死  
姪泆將得天后姪於親屬又曰二月甲戌時加寅魁  
與月神并來加甲下剋上占人皆有姪亂將得朱雀  
內相告言句陳內相殘賊白虎相殺天空欲爲贅壻  
天后姪泆事

第十經曰閉口閉口陰在汝後度四而同言從神后



逆數至從魁合加神陰陽之位男亡責陰女亡責陽知其亡人位各歸其鄉囚死爲近王相爲遠重陰不出參以反吟亡人歸陽盜者發陰一由玄武者也此六癸之支爲陰六甲之支爲陽假令功曹爲玄武陰在登明天罡爲玄武陰在大吉此謂六甲旬頭尾陰陽也假令正月庚子時加辰天罡爲玄武陰得登明欲知盜者是誰視庚上之神得太衝太衝木也生於亥盜者親屬也九月丁巳時加丑從魁爲天一加未神后爲玄武而加戌女亡西北門責戌地男亡當責從魁從魁加未責未地此爲度四逆責四神者也酉六未八六八四十八里女亡責神后神后加戌戌五

子九五九四十五里王氣什而倍之相氣因而十之休氣因而倍之囚氣如數死氣半之正月甲子時加卯天罡爲玄武而加申天罡爲陽也陰在大吉加巳男亡東南行巳地求之女亡西南行申地求之閉口者言黃帝重他人陰私故言閉口六甲爲陽者甲子神后甲戌河魁甲申傳送甲午勝先甲辰天罡甲寅功曹此六甲支爲玄武陽也六癸支爲其陰甲子旬有癸酉癸酉用從魁甲戌旬有癸未爲小吉甲申旬有癸巳癸巳爲太一甲午旬有癸卯癸卯爲太衝甲辰旬有癸丑癸丑爲大吉甲寅旬有癸亥癸亥爲登明此六癸支爲玄武陰也其四方驗此之謂也



玉衡章

天一六壬發用

第一經曰用之物氣與今日同類無問其餘見爲親  
踈者此謂所生爲氣所死爲物假令今日甲乙木也  
登明爲用爲氣爲生事者吉成小吉爲用爲物百物  
皆死不生亥卯未俱木故同類木生於亥死於未者  
也無問其餘但得登明中木不問水也但得小吉中  
木不問其中火土也親踈者言用起登明登明甲乙  
之家功曹太衝爲親兄弟小吉外昆弟外孫欲爲吉  
事陰陽中見登明爲吉若爲死事陰陽中有小吉善  
用與今日比者親屬兄弟日與陽比男陰比女以占

吉凶百事比自親內外至親也他亦準此

第二經曰始生與死今日相視見而相惡以知新故  
假令今日乙魁臨乙爲用魁中有金西方位也爲始  
生今日乙大吉臨乙爲用大吉中有死金爲死也今  
日相視者此謂乙中之木欲剋魁大吉中土惡見魁  
大吉中金情不達好故曰見而相惡用起始生萬事  
皆新吉凶如神將言之用起死萬事皆故占人取婦  
或與交通今欲取之若去婦今欲還之或是故物今  
欲求之今日丁大吉臨丁爲始生天罡臨丁爲死今  
日己天罡臨己爲始生小吉臨己爲死今日辛小吉  
臨辛爲始生河魁加辛爲死今日癸大吉臨癸爲始



生天罡臨癸爲死丁中有水大吉天罡中亦有水己  
中有木小吉天罡中亦有木辛中有火小吉魁中亦  
有火癸中有土小吉魁中亦有土此皆當爲用者也  
獨五柔日用此耳即剛日以用起陽爲新起陰爲故  
有玉相氣爲新囚死氣爲故用起陽爲方來陰爲去  
事又一法今日乙太一爲新大吉爲故今日丁傳送  
爲新天罡爲故今日己登明爲新小吉爲故今日辛  
功曹爲新魁爲故今日癸太一爲新天罡爲故各以  
神將言之今日乙木生於亥長於卯死於未登明爲  
用故傳太衝新事小吉方來故事他準此

第三經曰四立之日名曰四絕是謂誰適憂者天禍  
視汝此言四立者立春之日少陽氣始立夏之日太  
陽氣始立秋之日少陰氣始立冬之日太陰氣始故  
曰四立何謂四絕時受死始立以先之一日相付悲  
哀相去決絕故曰四絕假令立春先之一日己上望  
見日言天上日臨己也此時占吉凶必爲暴禍在門  
流血至縣官不出其時女子逆生月神正臨此日月  
神謂正月登明二月河魁月將也俱死辰其性速假  
令辛亥立春先之一日庚戌月將臨庚是也誰適憂  
者天禍視汝得此日而臨之以占萬事必爲暴死道  
路其不出月中也獨臨庚不以其至皆將神言之  
第四經曰四離之辰上望見月是謂不祥祥無少多



天寇所過四離日立春春分立夏夏至立秋秋分立  
冬冬至此四離之辰上望見月宿言正月室二月奎  
三月胃四月畢五月井六月柳七月張八月角九月  
氏十月心十一月斗十二月須女是言春分之日陰  
陽分離各行其令祥無少多天寇所過此言春分陰  
氣在卯盜殺百草榆莢爲落夏至陽氣在午盜殺百  
草薺麥死秋分陰氣在酉秋當刑殺而有秋華之芳  
冬至陽氣在子萬物蟄藏薺麥之類得冬始生皆非  
正氣故曰寇盜月者積陰之精主刑以此占事必有  
寇竊暴至期不出其日月中心神將言之又一法春  
分以甲子亥爲離辰月宿臨亥是不可遠行必逢盜

竊賊寇亡遺却死道中何以言之春分陰氣在卯寇  
盜草木也

第五經曰時剋其日用又助之所治之事上下爲憂  
神將內戰是謂天罡四張萬物盡傷假令今日甲乙  
時加庚辛是金金剋甲乙木也故言時剋其日起用  
傳送從魁並金又剋甲乙木是謂用又助之神將內  
戰者言從魁傳送并爲青龍青龍木也畏傳送從魁  
金也是謂內戰餘皆準此天罡者時用及所治之事  
皆共剋今日又上下相剋求救不能解故言四張萬  
事盡傷以此時舉事不成憂毀傷家亡假令二月庚  
子時加巳大吉加庚不相剋太一加子下剋上爲用



時加巳巳剋庚是時剋日也太一爲用又剋庚是用  
又助之以占吉凶如上法

第六經曰陽不與陰合陰不與陽親三言相得如往  
比焉法曰無姪無姪姦生其中假令正月甲子時加  
卯甲者陽爲夫子陰爲婦魁臨甲傳送加子甲欲從  
子畏傳送子欲從甲畏河魁土故不相親三言比者  
言三傳之神還自比同類也謂三木三金三火者也  
此言用起魁傳勝先終功曹謂寅午戌俱是火之位  
亥卯未俱木申子辰俱水巳酉丑俱金此之謂也以  
占人皆爲姪邪之心事將危敗也八月庚辰時加申  
天罡加庚神后加辰天罡土剋神后水是陽不與陰

合也陰不與陽親神后爲陰畏天罡之土是陰不與  
陽親也用起神后傳見傳送終天罡是三言也皆得  
其類故曰比此言陰陽不合而用三傳內自得以此  
占人言內將有私親規以謀訟之意何以言之神后  
旣爲天罡陰又爲起用陽一神有二從故知人有兩  
心姪泆之意言無姪者以此時御姪婦必有禍起也  
上剋下過在男下剋上過在女以神將言之

第七經曰陽無所依陰無所親禍生於外內及其身  
所謂陽無所依者謂用下剋上陰無所親言歸陰剋  
之大惡天地反時也正月庚寅壬午時加巳此時不  
可舉百事咎及其身進退失節重有憂也正月壬子



時加巳太一加壬勝先加子是陽無所依勝先傳見神后太一傳見登明爲陰無所親以此占人君無所因父無所親必見期給當此之時天地猶恐況於民乎

第八經曰辰剋其日下剋上是謂亂首必將害老者也辰剋日者諸日被挾自臨其辰也假令今日丙子太一挾丙加子乙酉太衝挾乙加酉壬戌登明挾壬加戌癸未神后挾癸加未丁亥勝先挾丁加亥甲申功曹挾甲加申辛巳從魁挾辛加巳己卯小吉挾己加卯戊寅天罡挾戊加寅此皆辰剋其日用下剋上以此占人事必爲逆道臣弑其君子害其父母妻謀

其夫奴婢害主百事凶正月甲申時加卯來剋甲一逆也魁加甲爲用下剋上二逆也用爲王者所剋必言縣官至死喪何以言之春土死喪若爲天獄他準此

第九經曰所謂用起囚死斗令日憂是謂天獄於身方有殺囚必虞戮辱者也用起囚死者言神將俱死氣也斗令今日憂言斗繫今日之所生也假令秋七月庚申勝先爲青龍而加庚太一爲句陳而加未當爲用也斗又繫己己者庚申所生功曹爲騰蛇加己而爲太一陰太衝爲朱雀加午而爲勝先陰騰蛇朱雀火功曹太衝木秋火囚木死皆無氣斗繫所生不



可舉百事皆爲繫囚之憂又法七月丁卯時加巳傳送爲用秋丁囚囚氣所剋巳繫卯卯者丁之本此家有繫囚也巳繫子亥小兒牢獄出行正月乙未時加申小吉加乙下剋上爲用土正月死巳又繫癸癸者乙之本所謂死囚外令日憂此之謂一法日用起囚死者言春占得金土之神也外令日憂謂巳繫今日之本言天獄臨身憂繫囚死者言囚死之氣刑於獄也二月乙酉時加巳巳繫亥亥者乙之本故憂小吉爲功曹陰而加寅爲用春土死言用起囚死者也傳得神后終太一與白虎并必有死亡小吉木之獄也俛見其仇仰見其王如以墓論之雖得青龍不能爲

救也他準此

第十經曰三光並立用在其中謂日之陽神王相之光用起吉將之有王相之光此言三陽非謂傳用之陰也故言三陽之光者也言日辰之陽神及用所與并將皆多吉如有王相之氣是謂三光用在其中者也傳用又得吉將上下相生終始無剋神有上下上不相剋下不相賊氣在王相神重得吉雖有凶將後有福終而有喜必有重慶當此之時遠出萬里入水不溺入病不易惡鬼不當入兵不傷所種者生所爲者成所求者得所欲者聽病困不死繫者無刑刀雖臨頸慎勿怖驚舉尸入棺尙猶復生出幽入冥是謂



神靈聖人之教賢者之經謹而按之與神聖并藏之  
金匱無泄此形又一法曰正月甲寅時加巳傳送爲  
青龍青龍春王加甲并寅此日上神與吉將并王相  
者也經言正月甲寅王日一光也青龍又王又立王  
上二光也年立木門三光也功曹爲傳送陰而加甲  
此爲是陽神而與天后將并爲用是謂用在其中者  
也此時天吉地凶而神將並吉法曰有凶從其多者  
此之謂也又一法天一順行前三五加日辰此一陽  
終王相不相剋二陽日照今日之本三陽也又令用  
在其中假令六月戊辰時加辰皆受王相之氣傳送  
爲勝先陰而加午爲用傳送六月受相氣亦謂三光

傳得魁與玄武并加申終神后與天后并而加戌此  
謂始王相終於吉將者故重慶雖復有凶不能害之  
天一逆行前三五加日辰一陰用終囚死上下相剋  
二陰時剋其年三陰也斗月照今日之本爲殃用在  
其中名曰重陰終自禍患必困窮繫者雖解身屬官  
病者雖起精魂入棺居家衰耗破敗憂患以占萬事  
大凶所謂入九地之下役三陰者也







時甲乙行丙丁至不至還以甲乙日至他例此

諸欲娶婦嫁女必記初許嫁之日以爲本其娶婦時

慎無令剋其許嫁日辰也剋日害舅剋辰害姑姑與是

夫之父盡剋日辰爲不利一家假令甲子日許嫁庚

辛日納則皆爲剋日戊己納之爲剋辰也假令辛未

日納爲盡剋日辰戊申己酉日亦然也

又欲令日辰陰陽中及用傳中有天后無騰蛇白獸

相剋吉謂內婦時如此者即吉

又無令夫家之門傷婦年即婦有咎假令二月乙未

日巳時天罡加己婦年立辰從魁加之夫家門在子

地太一加之夫家門在丑勝先加之此並爲夫家門

傷婦年也謂夫家門上火神剋妻身年上金神也若

夫門立酉功曹加酉婦在東方卯來抵西酉入功曹

即婦有咎他倣此

又無令婦年上神傷夫家之門即夫家有咎也假令

婦年立辰從魁加之夫門在酉功曹臨之夫門在戌

太衝臨之此爲婦年上神傷夫家之門即夫家有咎

門者所出之辰

凡娶婦爲入頑嫁女爲出頑從方入圓爲入頑從方

出圓爲出頑也又不欲所出入之神傷日辰爲女固

有敗傷

又不欲令傷日爲害翁謂神將共傷日也假令二月




庚子日魁罡加丑丑時也太一臨庚上其將得朱雀  
謂小吉爲天一臨戌上此爲神將并傷日傷日害舅  
即太一爲前二加庚也  
若日并傷神將爲害夫假令二月癸丑日巳時勝先  
加癸將得騰蛇此爲日并傷神將害夫又辰中有微  
氣往助之者爲夫死假令二月甲戌日辰時而傳送  
加甲甲木也傳送金也金傷木又戌中之金復往助  
之者爲夫死

傷辰爲害婦謂神將共傷辰也假令二月庚申日魁  
加丑丑時也太一臨申將得朱雀此爲神將并傷辰  
也假令二月壬子日魁加辰勝先臨子爲用將得騰  
蛇此爲日辰并傷神將也但辰傷婦謂辰傷其陽神

神將者又曰內有微氣往助之者爲婦死也假令二  
月丁巳日魁加卯神后加巳巳火也神后水也水傷  
火又丁氣丁是王妻故也復往助之爲婦死以其上將爲所  
坐形狀  
假令二月甲戌日魁加辰傳送爲青龍而加甲爲夫  
婦死死坐送行酒食故也

黃帝授三子玄女經





國家圖書館, NATIONAL CENTRAL LIBRARY, TAIWAN, R.O.C.

